

Gvangjsih Minzcuz Bau

ganhhau: CN45-0036 B.2017 Nd.6 Ng.14 liggaeuq dingyoux nienz ndwenngux ngeihcib

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3278期

Aen Ban Son'gyauq Fanhoiz Vahsaw Siujsoq Minzuz Caeuq Hong Guh Cezmuz Gvangjbo Densi Daengx Gih Bi 2017 Youq Namzningz Haiban 2017年全区少数民族语文翻译和广播电视节目制作业务培训班在南宁市开班

6 nyied 6 hauh banhaet, aen ban son'gyauq fanhoiz vahsaw siujsoq minzcuz caeuq hong guh cezmuuz gvangjbo densi daengx gih bi 2017 youz Swcigih Minzyijveij caeuq Swcigih Sinhvnz Cuzbanj Gvangj-dengiz lienzhab banh haenx youq Namzningz haiban. Swcigih Sinhvnz Cuzbanj Gvangjdengiz fugizcangj Lij Gez、Swcigih Minzyijveij fusinziyenz Yiz Feih camgya haiban yizsi caemhcaiq faenbied gangjavah. Daengx gih gak si、yienh(si、gih) bumwnz guhhong vahsaw minzcuz fanhoiz guzgan caeuq sinhvnz cuzbanj gvangjden bumwnz bouxboqyaem bouxucjiz vah minzcuz daengj gungh 80 lai boux camgya baez son'gyauq

neix.

Baez son'gyauq neix muzdiz dwg doeksaed gij cingsaenz Guekgia Minzveij daengj roek buvejiziz 《Gij Yigen Gvendaengz Doicaenh Hong Hagsib Song Vah Saw Ganbu Dieg Minzcuz》, caenh'itbous gyaak hwnj-guh doih vunzcaiz fanhoiz caeuq guh cezmuuz vah siujsoq minzcuz Guengjsae, vih hong gvangjbo densi vah minzcuz caeuq hong fanhoiz vahsaw minzcuz gih raeuz daezhawj vunzcaiz cengjdingj caeuq caizganq baujcanq. Baez ban son'gyauq neix guh 4 ngoenz, cingj Guekgia Minzcuz Yij-vvnz Fanhyizgiz Aensiz Vahcuengh Sawcuengh hoizsaemj Gvanh Swgingh、Guengjsae Yinzminz

Gvangjbo Dendaiz it gaep boux-boqyaem Vangz Haijveih、Guengjsae Densidaiz bouxucjiz sinhvnz Vah-cuengh Vangz Lili daengj vih yozyenz son'gyauq 《Gejdoeg 〈Fueng'anq Sawcuengh〉》《Gij Giekdaej Cihsiz Boqyaem Gvangjbo Cezmuuz Vah-cuengh》《Gij Gag Daezswng Boux-cujciz Cezmuuz Vah Minzcuz》《Fapgiuj Fanhoiz Gauj Cezmuuz Vah Minzcuz》daengj gocwngz. Linghvaih, baez son'gyauq neix lij anbaiz yozyenz bae yawjngonz Guengjsae Yinzminz Gvangjbo Denzdaiz、Guengjsae Densidaiz, caemhcaiq guh yienhciegz sonhag、doxdoengh doxgyau daengj.

(Cinz Yen Ouh Caijfangh)



Fwen Feihyiz Ciengq Bangfuz

非遗山歌唱扶贫

6 nyied 10 hauh cingq dwg daengx guk aen daih'it "ngoenz swyenz yizcanj caeuq vwnzva", Guengjsae Ginzung Yisuzganj、Liujcwngz Yen Yinzminz Cwngfuj daengj bumwnz lienzhab youq Liujcwngz Yen banh hoih fwen cinjing bangfuz. Ngoenzhaenz, 30 lai boux fwenvuengz liggaiq daj Laizbinh、Siengcouh、Hozciz daengj dieg daeuq haenx doxcomz Liujcwngz, yungh gij hingziz fwen gyoengq vunz lai haengj dingq gyaenz yawj haenx, senhconz cinjing bangfuz cwngcwz, danqhaenh Liujcwngz Yen hong cinjing bangfuz miz cingzik, yinx ndaej haujlai vunz daeuq yawj. Ndaw doz dwg canghfwen youq gwnz daiz eu fwen.

(Dwng Gwzyi/邓克轶)

Yinhcwngz Yen Fat Din Makbakhom Mbouj Aeu Cienz Bangrengz Ranz Gungzhoj Vut Gungz Baenzmiz

忻城县免费发放百香果苗 助力贫困户脱贫致富

6 nyied 8 hauh, bakdou Ouh-dung Yangh Cwngfuj Yinhcwngz Yen nauhyied dangqmaz, nyuenz dwg aen yangh neix fat din makbakhom caeuq ganj dap gyaq、sienq dap gyaq hawj bouxguhnaz mbouj aeu cienz.

Daj bineix 2 nyied daengz neix, aen yangh neix gonqlaeng fat din makbakhom 26 fanh go, ganj dap gyaq 21395 diuz, sienq dap gyaq 36850 goenggaen hawj bouxguhnaz mbouj aeu cienz, haiguh son'gyauq dinfwngz dajndaem makbakhom mbouj noix gvaq 4 baez. Doenggvaq baenzdauq banh fap, gemjnoix gij ngaenzgoek bouxguhnaz dajndaem makbakhom, mizyauq daezsang gij

suijbingz dinfwngz dajndaem boux-guhnaz, gyalai gij yiedcingz caeuq saenqsim vunz lai dajndaem makbakhom, ndaej daengz gyoengq vunz lai haenx.

Bineix daeuq, aen yienh neix laebdaeb gyalai bangfuz makbakhom canjnieb, dawz makbakhom canjnieb dangguh gij canjnieb bangfuz cungdenj daengx yienh dwk hingz "cibsam haj" vut gungz gunggeng, laebdaeb doigvangq dajndaem makbakhom. Youq yanghcin cungdenj dajndaem makbakhom caeuq gveihmoz dajndaem gihdi haenx, yungh "nungzhoh + hozcozse + dieg guh-yiengh" lai cungj fuengsik dox

giethab dajndaem makbakhom, yungh ranz hung daiq ranz iq, yungh miz gonq daiq miz laeng, yungh canjnieb daiq vut gungz, gaenxmaenx sonyinx ranzungzhoj byaij hwnj diuz roen baenzmiz. Doenggvaq fat dinmak、doxgaiq, son'gyauq dinfwngz guenj-leix dajndaem, gya'gvangq roen gai, gajgez gij vwndiz bouxguhnaz dajndaem、guenjleix、siugai daengj, mboujduenh gyalai gij mienhcik dajndaem makbakhom, caenh'itbous coicaenh hwngfat makbakhom canjnieb daengx yienh, bang rengz engqlai ranzungzhoj vut gungz baenzmiz.

(Lanz Cunghcwngz/蓝忠成)

SIUSIK DINJ

简讯

● 6 nyied 9 hauh, Lungz-swnG Gak Cuz Swciyen banh ciet vwnzva nazmbaeklae Lungzciz gaiq daihroek, dangdieg beix-nuengx siujsoq minzcuz Myauz、Yauz、Dung、Cuengh daengj ndang daenj buhvaq moqsag doxcomz youq giz ndeu, langhbaij dinfwngz guh feihyiz Guengjsae、fouxbyoemraez、ndangdaenj minzcuz cunzyouz daengj minzsuz hozdung lai cungj lai yiengh hawj bouxhek ndaw guk rog guk yawj.

(Vuz Swngbhin Vangz Yungdanh)

● 6 nyied 10 hauh cingq dwg daengx guk aen daih'it "ngoenz swyenz yizcanj caeuq vwnzva", Lozcwngz Mulaujcz Swciyen youq minzcuz vwnzva gvangcangz banh aen hozdung langhbaij dinfwngz conzdungj Mulaujcz, canghheiq ndaw-biengz yienhciegz langhbaij dajsiuq Mulaujcz、nyumx baengzdoj、guh cugnyumx、raed ceij、dinfwngz san nywj daengj hawj gyoengq vunz lai yawj, coicaenh gij yisiz swnjcienz caeuq roxyiuj gyoengqvunz doiq feihvuzciz vwnzva yizcanj haenx.

(Mungz Cwngshwh)

● Bi 2017, Denzlinz Yen Nazbij Yangh Dangjveij、Cwng-fuj doeksaed cinjing bangfuz, cujiz ranzungzhoj、vunzmbanj dajndaem ien, demlai souhaeuq. Ciuq cam rox, Nazbij Yangh dajndaem ien daih'iek 600 lai moux, suenq moux sou ndaej 260 gaen, souhaeuq moux 3000 maenz, aen yangh neix bineix dajndaem ien souhaeuq 180 fanh maenz.

(Luz Genyungi)

● Gaenh bi neix daeuq, Sanhyangh Dungcuuz Swciyen yungh giindei gizdieg swngdhai, doenggvaq cinghab swhyenz yungh daengx yangh doicaenh fuengsik haenqrengz hengzguh ndaem haeuxnaz ciengx bya gunghcwngz, boujdiep doxgaiq caeuq soengq lwgbya hawj hanghmoeg nungzhoh, seizneix daengx yienh biucinjvaq ndaem haeuxnaz ciengx bya mienhcik daengz 7 fanh lai moux, hanghmoeg nungzhoh bi boux-vunz bingzyaenz laisou daengz 1000 maenz doxhwnj, rengzrdw coicaenh vunz lai dangdieg laisou vut gungz.

(Vuz Lenyinh)